



UNIVERSITÄTS-
BIBLIOTHEK
PADERBORN

Conceptvs Chronographicvs De Concepta Sacra Deipara

Zoller, Joseph

Augustæ, Anno 1712

Index III. Dogmatum, Procardicorum, Regularum Juris, Axiomatum ac
Sententiarum, Rationes, ac Convenientias pro immaculatâ Mariæ
Conceptione subministratum.

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)



I N D E X III.

Dogmatum, Procardicorum, Regularum Juris, Axiomatum, ac Sententiarum, Rationes, ac Convenientias pro immaculatâ MARIE Conceptione subministrantium.

1. **A**rchangelus Gabriel pronuntiat Mariam immaculatam; nec enim dicere aliàs cum veritate posset: *Ave*, nec: *gratiâ plena*, nec: *Dominus Tecum*, &c. Ergo. Ratio 28.
2. Juxta Psalmist. *Christus est speciosus formâ præ filijs hominum*: consequenter & Mater. Ratio 71.
3. Juxta Evang. Matth. *Ex fructu Arbor cognoscitur*. Ergo & Maria ex benedicto fructu. Ratio 83.
4. Juxta Gamalielelem, S. Pauli magistrum, *Consilium, quod est à Deo, non poterit dissolvi*. Ergo cum hætenus non sit dissoluta Doctrina, de immaculatâ Conceptione, est hæc à Deo. Ratio 32.
5. Juxta D. Paul. *Quæ conventio Christi ad Be-lial?* Ergo nec Matris Christi cum peccato. Ratio 39.
6. Juxta eundem, *si radix Sancta, & ramus*. Ergo Sanctus ramus Sanctam radicem, Filius Sanctus Sanctam Matrem supponit. Ratio 40.
7. Juxta eundem, *Nemo unquam carnem suam odio habuit, sed nutrit & fovet eam*. Atqui Maria fuit caro Christi. Ergo. Ratio 52.
8. Juxta eundem, *Christus fuit tantò melior Angelis effectus, quantò differentius præ illis nomen hereditavit*. Ergo & Maria, utpotè re, & nomine, Christi Mater. Ratio 59.
9. Juxta eundem, *Si Deus pro nobis, quis contra nos?* Quis ergo contra Te, O Maria! si Dominus tecum? Ratio 97.
10. Juxta S. August. *In Cælo qualis est Pater, talis est Filius: sic in terrâ qualis Mater, talis Filius*. Vel ergo uterque, vel neuter maculatus. Ratio 27.
11. Juxta eundem, *qui grandioris ætatis peccatum actuale non commisit, nec originale contraxisset censendus est*. Atqui. Ergo. Ratio 5.
12. Juxta S. Ambros. *Maria non solùm corpore, sed & mente est Virgo*. talis autem dici non posset, si &c. Ergo, &c. Ratio 17.
13. Juxta D. Thom. *Ecclesia celebrat Festum Nativitatis B. V.* Ergo hæc fuit Sancta. Sed idem dici potest de Conceptione: Ergo. Ratio 11.
14. Juxta eundem, *illos, quos Deus ad aliquid eligit, ita præparat, & disponit, ut ad id, ad quod eliguntur, inveniatur idonei*. Atqui ele-git eam Deus ab æterno in Matrem. Ergo. Ratio 36.
15. Idem D. Thomas, ex ore ipsiusmèr Christi, *benè de eo scripsit*. Atqui hoc falsum esset, si absolute scripseret, ac intellexisset Matrem Christi maculatam. Ergo. Ratio 94.
16. Juxta Bedam Venerab. *Ideo Cælum in principio totum lucidum creabatur, quia Dei debebat esse habitatio* Atqui etiam Maria, &c. Ergo. Ratio 78.
17. Nec mirum; si enim Cicero pro domo sua (ut in Proverbio dicit solet) cur non etiam Deus pro Mariâ? Ratio 65.
18. Quod si verum est illud: *Qui tacet, consentire videtur*, etiam Ecclesiam Romanam non contradicendo huic doctrinæ, consentire dubium non est. Ratio 48.
19. Canit præterea Ecclesia: *Conceptio tua gaudium annuntiavit universo mundo*. quod non verificaretur, si fuisset maculata. Ratio 8.
20. Similiter canit: *Ut Conceptionis ejus votiva Solennitas pacis tribuat incrementum*. Sed nec hoc verum esset. Ergo. Ratio 14.
21. Item canit: *Exaltata est Sancta Dei Genitrix, super Choros Angelorum, ad Cælestia Regna*. Ergo sicut in Cælis, sic & in terris, super omnes alios fuit exaltata, nempe per immaculatam Conceptionem. Ratio 54.
22. Præterea in Ecclesiâ de peccatis Festum non agitur: cum ergo agatur Festum Conceptionis, supponitur, eam fuisse sine peccato. Ratio 19.
23. Hinc est, quod rarissime celebrentur Beatorum Natales; quia nempe tunc præsumuntur in peccato fuisse. Ergo cum Ecclesia celebret non tantùm Nativitatem, sed & Conceptionem Mariæ, sequitur, utramque peccato caruisse. Ratio 44.
24. Licet autem celebretur Joannis Nativitas, non tamen celebratur Conceptio; quia hic in Nativitate fuit Sanctus, non in Conceptione. Cum ergo utraq; in Ecclesiâ celebretur Mariæ Festivitas, utraque Sancta dicenda est. Ratio 45.
25. Verùm Theologos audiamus! qui ex eo, quòd Maria *Tota pulchra* in Script. dicatur, concludunt, nunquam ab illâ commissum peccatum veniale. multò minùs ergo originale. Ratio 7.

Index III. Dogmatum, Procardicor. Regular. Juris, &c.

26. Juxta illos enim, quidquid erat unendum, vel terminandum hypostaticè à Personalitate Verbi, debuit fuisse Sanctum. Atqui: Ergo. *Ratio 3.*
27. Et omne beatificandum per meritum Christi, ex prædestinatione Divinâ, est gratificandum gratiâ, gratum faciente, per idem meritum. Atqui. Ergo. *Ratio 73.*
28. Hinc si non de condigno, saltem dicenda erit pura originaliter, de congruo. *Ratio 13.*
29. Ut eam innocentiam, quam Filius habuit à naturâ, Maria acceperit per gratiam. *Ratio 15.*
30. Præsertim, cum Mariæ innocentia, ex præservatione, magnam attulerit excellentiam ipsi Deo. *Ratio 26.*
31. Econtrâ culpa Matris maximam ipsi intulisset ignominiam. *Ratio 20.*
32. Sicut enim, habitâ optione, Filius quisque Parentes sibi nobiliores, ac deceniores eligeret, sic multo magis Deus ipse decentissimam, ac innocentissimam Matrem. *Ratio 74.*
33. Cum viles natales Matris alicui Principi valdè sint erubescendi. *Ratio 87.*
34. Præterea Christus, ut reconciliator perfectissimus, debuit saltem secundum unum individuum, perfectissimo modo reconciliare. *Ratio 21.*
35. Et tanquam perfectissimus artifex, debuit utique, in subiecto perfectissimo, quale Maria fuit, opus perfectissimum exercere. *Ratio 35.*
36. Apparet insuper ex eo vel maximè sapientia artificis, si ex materiâ imperfectâ producat opus perfectum: adeoque ex immaculatâ Conceptione Mariæ, secundum Adamum considerata, probatur summa Dei Sapientia. *Ratio 79.*
37. Ut merito Maria specialiter laudet, ac magnificet Deum; quia *Opus laudat suum artificem.* *Ratio 100.*
38. Et nonnè Redemptionis opus est æquè excellens, ac opus Creationis? si ergo ibi fuit creata natura protoparentum sine peccato in gratiâ, etiam hic saltem aliqua creatura debuit præservativè redimi, sine peccato, in gratiâ. *Ratio 41.*
39. Ut proinde, sicut Adami & Evæ fuit pura productio, sic Mariæ fuerit pura Conceptio. *Ratio 62.*
40. Cum Christi origo tantæ utrique perfectionis fuerit, quantæ fuit origo Adami, qui processit è terrâ, nullo adhuc peccato infectâ. *Ratio 25.*
41. Nec enim ipse nasci potuisset in justitiâ originali, nisi à Matre haberet justitiam originalem. *Ratio 61.*
42. Caruit igitur Maria tam corporali corruptione, quam corruptione animæ; adeoque fuit sine peccato, cujus utraque corruptio est effectus. *Ratio 23.*
43. Ubi nimirum omnis effectus causæ deest, etiam causa ipsa deesse censetur. Atqui. Ergo. *Ratio 43.*
44. Insuper, nonnè Filius est tantæ Sapientiæ ac potentiæ, in eligendo sibi Matrem in terris, quantæ Pater in producendo quoad intra coæquale sibi Verbum? Sed hic non potuit producere, nisi Verbum sibi gratum, & expers corruptionis. Ergo. *Ratio 63.*
45. Potuit igitur Deus, & voluit Mariam præservare. *Ratio 34.*
46. Et tanquam summum bonum, sui communicativum, eam boni immunitatis suæ reddere participem. *Ratio 51.*
47. Si enim, juxta Proverbium, *Amicus est alter ego*, Maria certè, suo modo, nempe quoad immunitatem à peccato, alter Filius. *Ratio 98.*
48. Tali namque amicitia specialî, qualis fuit inter Christum, & Matrem ejus, repugnabat omnî modo macula originalis. *Ratio 42.*
49. In hac ergo præservatione Matris, Dei Filius deceptore diabolo longè fuit potentior, ac sapientior. *Ratio 24.*
50. Verbo, Mariæ immaculata Conceptio, utpotè antecedens omnia reliqua creata in Decreto Divino, antecedit etiam ipsum peccatum. *Ratio 38.*
51. Hoc dicunt non Theologi tantum, sed & integre Provinciæ, Religiones, Universitates, Populi, &c. Atqui *Vox populi vox Dei.* Ergo. *Ratio 12.*
52. Nec desunt miracula plurima, quæ utique non patrantur, pro asserendâ falsitate. *Ratio 10.*
53. Quod si, juxta Canonistas, Episcopus Canonice electus & confirmatus, ante actualem consecrationem jam gaudet eadem jurisdictione & privilegijs, quibus gaudet actu consecratus, Maria certè, quamprimum fuit electa in Matrem Dei, nempe ab æterno, gavisa est privilegio exemptionis. *Ratio 96.*
54. Privilegia verò perpetuâ firmitate constare debent. Ergo & dictum Mariæ privilegium. *Ratio 81.*
55. Quod si non assumenda in Abbatissam illa, quæ non est Virgo, licet etiam fuerit violenter corrupta, quomodo Maria assumenda in Reginam Sanctorum omnium, si fuerit aliquando peccatrix? *Ratio 82.*
56. Et quæ Regina Angelorum constituenda, quomodo deterior Angelis habenda, qui fuerunt creati in gratia? *Ratio 30.*
57. Possessor ergo malæ fidei ullo tempore non præscribit, qualis esset Diabolus, respectu Mariæ. *Ratio 58.*
58. Cum plures eandem rem in solidum possidere non possint. v.g. Deus, & diabolus. *Ratio 33.*
59. Et si sponsalia cum infideli ipso facta sunt irrita, irrita etiam fuisset Mariæ cum Spiritu S. desponsatio, si per peccatum infidelis inventa fuisset. *Ratio 77.*
60. Sponsa enim non debet carere amicitia Sponsi. Ergo nec Mariâ ad momentum. *Ratio 57.*

(c)

62. Imò

Index III. Dogmatum, Procardicorum, Regular. Juris, &c.

61. Imò Sponsa, relicto proprio, assumit nomen Sponsi. Ergo Maria relicto Protoparentis nomine, nomen Spiritus Sancti purissimi. *Ratio 80.*
62. Sicque ratum Maria habere non potest, quod ipsius nomine non est gestum. *Ratio 9.*
63. Præsertim, cum semel malus semper præsumatur esse malus. *Ratio 29.*
64. Et semel deprehensus, centies reus habeatur. *Ratio 46.*
65. Nec certè Jura Civilia aliud docent; ut enim Christus ipse pronuntiavit: *Reddenda sunt Cæsari, quæ sunt Cæsaris.* Ergo Mater supremi Cæsaris nunquam alterius. *Ratio 56.*
66. Et sanè, si Senatores, Præfecti, & alij in dignitatibus constituti, ducere non debent ancillas, vel alias obscuras mulieres, illa quam Spiritus S. sibi desponsavit, obscura minimè dicenda erit. *Ratio 91.*
67. Si enim adstantes lateri Principis, Illustres dicuntur, juxta illud: *Quos lateris nostri decor illustrat,* multò illustrior Regina Mater, quæ astitit à dextris, in vestitu deaurato. *Ratio 55.*
68. Melior nimirum debet esse conditio Reginae, quam servi. *Ratio 31.*
69. Imò Princeps eadem privilegia Augustæ concedit, quæ ipse habet. *Ratio 37.*
70. Nec annectuntur tributa, & pensiones beneficijs Filio Principis concessis. Atqui B. Virgo est *Filia Principis.* Ergo. *Ratio 85.*
71. Nec Jura posteriora unquam possunt derogare prioribus, nisi in casibus à Jure expressis. Atqui. *Ratio 95.*
72. Aliquo etiam concessio, omnia intelliguntur concessa, sine quibus eo commodè uti non possumus. Ergo concessa Maternitate, hoc ipso Mariæ concessa est immunitas à labe. *Ratio 92.*
73. Præsertim, cum beneficium, & indultum Principis sit latissimè interpretandum. *Ratio 69.*
74. Insuper Mater, ac Proles eodem privilegio gaudeant. *Ratio 4.*
75. Deinde iniquissimum sit, Patrem vel Matrem egere, cujus Filius in facultatibus est. *Ratio 6.*
76. Beneficientibus enim nobis benefacere debemus; nam beneficij receptor, qualis est Filius, naturaliter obligatur. *Ratio 90.*
77. Sicut enim (teste Aristotele) nemo est, qui habeat super aliquos talem obligationem, qualem habent Parentes super filios: sic vicissim obligantur Filij, illis subvenire, secundum totum suum esse, & omnes vires, quod Mariæ Filius fecit. *Ratio 75.*
78. Imò Aristoteles putat, honorem parentibus, quasi Dijs, exhibendum esse; quia filij æquivalens præstare non possunt. *Ratio 84.*
79. Ernonnè Jura pronuntiant, vestes relinendas esse debitori? cum ergo Maria sit quasi vestis Christi, qui ex ipsa carnem assumens, *habitum inventus ut homo,* nostra in se debita suscipit, etiam Maria illi relinquenda erit. *Ratio 50.*
80. Fœminas item in dote protegendas esse, Jura volunt. & quid aliud est præservatio, quam dos Mariæ à Spiritu Sancto accepta? *Ratio 18.*
81. Præterea, ut quis possit reconciliatorem agere inter duos litigantes, oportet utique, ut utriusque partis sit bonus amicus. Sed B. Virgo est constituta mediatrix inter Deum, & peccatorem. Ergo. *Ratio 16.*
82. Si deinde ad quem spectat onus, & emolumentum spectare debet: cui majus emolumentum ex Redemptione competit, quam Mariæ, quæ sub Cruce stans, maximum exinde onus tulit? *Ratio 86.*
83. Econtra nullus debet ex dolo suo, cui debetur pœna, lucrum reportare, qualis fuit diabolus, dolosè hominem circumveniens. *Ratio 49.*
84. Cæterum Beatius est magis dare, quam accipere. Sed si Maria fuisset in maculâ concepta, plus dedisset Filio, quam ab eo accepisset. Ergo &c. *Ratio 89.*
85. Nec tamen præmium primum alteri de jure competit, quam cujus compositio, præ reliquis, caruit omnî errore. Ergo nec B. Virgo accepisset præmium primum, ac præcipuum, Maternitatis, nisi caruisset omnî labe. *Ratio 47.*
86. Quod si spurius legitimatus similis in Jure dicitur ægro, curato à vulnere, cujus semper aliqua manet cicatrix, certè etiam remaneret Mariæ cicatrix: fuisse aliquando peccatricem. *Ratio 66.*
87. Concludunt ergo Jura, actore non probante, reum absolvi; affirmanti enim incumbere probationem, non neganti: adeoque manet immaculata Conceptio in suâ possessione. *Ratio 93.*
88. Suffragatur etiam huic doctrinæ Medicina, dum ait, ut pristinum temperamentum corporis evocetur, & restituatur, applicandam esse medicinam, quæ illi omninò similis sit. Ergo B. Virgo, quæ unà cum Christo, tanquam medicina primi temperamenti, nempe gratiæ, erat constituta, debebat esse similis primo homini, ante peccatum. *Ratio 76.*
89. Dicitur item in Proverbio, *Principijs obsta, serò Medicina paratur.* Ergo perfectissimus Medicus, Christus, principijs maculosus in Mariâ obistere voluit. *Ratio 99.*
90. Favet etiam Philosophia, dum dicit: Bonum ex integrâ causâ, malum ex quolibet defectu. Ergo ne Maria dicatur mala, omnî momento absque labe dicenda est. *Ratio 60.*
91. Item causa non est deterior suo effectu. Ergo nec Maria Mater, quoad immunitatem, Christo Filio. *Ratio 2.*
92. Cum locus communiter sit æqualis locato. *Ratio 70.*
93. Et forma munda, ac pura non possit educi, nisi

Index III. Dogmat. Procardicor. Regular. Jur. Axiom. &c.

- nisi à subjecto mundo, & puro. *Ratio 22.*
94. Insuper relativa sunt simul naturâ, & cognitione. Sed ratio Filiationis, & Maternitatis, in Christo, & Mariâ, sunt suo modo correlativa. Ergo &c. *Ratio 38.*
95. Sic etiam propinqua magis participant de Principio. Quis autem propinquior Christo, quàm Maria? *Ratio 72.*
96. Præsertim, cum Maria plus fuerit à Deo amata, quàm omnes reliquæ creaturæ, arque adeò, cum amare sit velle bonum, plus ei bonum voluerit, & actu contulerit Deus, quàm omnibus alijs. *Ratio 1.*
97. Constat præterea, duo perfectè, & privativè contraria, non posse verificari in eodem subjecto. Ergo nec in Mariâ destinata Maternitas Christi, & peccatum. *Ratio 64.*
98. Qui enim vult finem, vult etiam media conducentia ad finem. Ergo qui voluit Mariam Matrem, voluit hoc ipso immaculatam. *Ratio 67.*
99. Tandem propter quod unumquodque tale, illud magis tale. Sed ob Mariam plurimi à peccatorum periculis liberati. Ergo magis illa. *Ratio 68.*
100. Optimum denique, pro Conclusionem, est Argumentum, deductum ex evidentibus absurdis, quorum non esset numerus, si Mariâ diceretur in originali peccato concepta. *Ratio 53.*



I N D E X I V.

Historiarum, Revelationum, Miraculorum, Mariam sine labe conceptam persuadentium.

1. **S.** *Nicolaus Myræ* Episcopus, *Elfino* Abbati, in maris periculo constituto, auxilium hac conditione offert, si velit imposteriorum celebrare Festum Conceptionis, aliosque ad idem cohortari. *Historia 1.*
2. *S. Anselmus* Archi-Episc. *Cantuar.* Ord. *S. Bened.* intellecto *Elfini* miraculo, primus introducit in suo Archi-Episcopatu celebrationem Festi hujus, successivè à totâ Ecclesiâ receptam. *Historia 2.*
3. *S. Bernardus* Abbas *Clarevall.* apparet post mortem cuidam Ordinis sui Religioso, totus luce circumfusus, unico tamen nigro punctulo in pectore notatus, rationem manifestans, eò quod nimirum per modicissimum aliquando tempus putârit, *B. Virginem* in maculâ conceptam. *Historia 65.*
4. *S. Thomas Aquinas* apparet *Faultino*, *Paduano* Episcopo, eique suam explicat sententiam, in favorem immaculatæ Conceptionis. *Historia 50.*
5. *S. Ildephonsus* Archi-Episc. *Toleranus*, Ord. *S. Bened.* unus è præcipuis immaculatæ Conceptionis cultoribus, testimonium à *S. Leocadiâ* è tumulo accipit, eique à *B. Virgine* casula candida offertur. *Historia 46.*
6. *B. Gvidifalvus* ibidem Archi-Episcopus, communiter *Mariæ* Capellanus vocatus, in Festo Conceptionis Missam dicturus, ab eadem similem casulam accipit, ac plura de immaculatæ Conceptionis veritate, eâ revelante, intelligit. *Historia 74.*
7. *S. Joannes Damascenus*, Ord. *S. Bened.* amputatam sibi dexteram miraculosè recipit à *Mariâ*, cujus immaculatæ Conceptionis cultor extitit eximius. *Historia 38.*
8. *S. Dominicus* suam de Conceptione doctrinam, contra *Albigenses*, flammis committit, sed illasam retrahit, Propositionibus *Albigensium* consumptis. *Historia 23.*
9. *S. Bernardinus Senensis* apparet duobus Patribus sui Ordinis, *Senis* in Bibliothecâ parvulâ, opera ejusdem Sancti de immaculatâ Conceptione Iustrantibus, eorumque studium approbat. *Historia 97.*
10. *B. Joannes à Cruce*, Ord. *Carmelic.* exhibet post mortem in membris suis imaginem pulcherrimam immaculatæ Conceptionis. *Historia 89.*
11. *B. Paschalis*, Ord. *S. Francisc.* Frater Laicus, singulariter immaculatæ Conceptioni devotus, in annuo ejusdem Festo communiter in extasi raptus, *Mariæ* colloquitur. *Historia 52.*
12. *Joannes Anachoreta*, candelam coram immaculatæ Conceptionis imagine accendere solitus, eam post plures etiam peregrinationis suæ Menses inextinctam reperit. *Historia 64.*
13. *B. Petrus Villariensis*, Ord. *Cisterc.* revelatâ sibi à *B. V.* Conceptionis Festivitate, in tali aliquando Festo ab ipso met Christo cum *Mariâ* desponsatur. *Historia 82.*
14. *B. Nicolaus Pratensis* summo studio laborat, ut Ordo Cælestinorum celebret Octavam Conceptionis, *B. Virgine* beneplacitum suum per miraculum monstrante. *Historia 14.*
15. *Dms Scotus*, Ord. *S. Francisc.* ducenta argumenta contra immaculatam Conceptionem *Parisij* solus resolvit, marmoreâ *B. V.* statuâ ante
(c 2) Di.